

## ԱՐԵՎՄՏԱՀԱՅ ՄՏԱՎՈՐԱԿԱՆՈՒԹՅԱՆ ԶՈՀԵՐԸ

Գ. Խ. ՍՏԵՓԱՆՅԱՆ

Հայ ժողովրդի բազմադարյան պատմությունն ունի անկման ու վերելքի, սայթաքման ու տիտանական խոյանքի շատ էջեր: Քաղաքական տեղատվություններն ու մակրեթացությունները, որոնք հաջորդել են միմյանց դարմանալի արագությամբ, շարունակ մաքառման ու ընդլզման մեջ են պահել ստեղծագործ մեր ժողովրդին: Մի պատերազմին, ասպատակությանը հետևել է մյուսը: Հռոմեական լեզեոններին հաջորդել են բյուզանդական ներխուժումները, սելջուկյան գրոհներին՝ թուրքական վայրագությունները. և այսպես՝ Հայաստանը դարձել է մի ռազմաբեմ, ոչտեղ շարունակ արձակվել են նետեր, լսվել ձիերի սմբակների դուփյուններ, նժույգների վրնջյուններ:

Մեր ժողովրդի ողբերգական զոհագնեերից ամենացնցողը, սակայն, 1915 թ. համաժողովրդական աղետն է, ծրագրված թուրք ազգայնամոլ ղեկավարների կողմից, կենսագործված պատմության մեջ իր նախընթացը չունեող բարբարոսական եղանակներով: Այդ ծրագրով իրենց դարավոր հայրենիքից տեղահան արվեցին մոտ երկու միլիոն հայեր, որոնց կեսից ավելին զոհ գնաց զանգվածային ջարդերին: Մնացածները քվեցին ղեպի արարական տոթակեզ անապատները, ապա սփռվեցին աշխարհով մեկ:

Ժամանակակից թուրք պատմագրությունը ամեն կերպ փորձում է պատմության այդ սե էջը նենգափոխել՝ այն ներկայացնելով իբրեւ պատերազմական իրադրության անխուսափելի հետևանք: Իհարկե, դա բացարձակ կեղծիք է: Թուրք բուրժուազիան հայաջինջ նման մի ծրագիր փայփայում էր ղեռես իր ասպարեզ գալու առաջին տասնամյակներին՝ Միդհատյան սահմանադրության օրերին: Այդ սահմանադրության 8-րդ հոդվածը Թուրքիայում ապրող բոլոր ազգերին ճանաչում էր միայն օսմանցիներ: Ավելի ուշ՝ 1908 թ. հուլիսին երիտթուրքերի հեղաշրջման նախաձեռնողներից էնվերը ճշում էր, թե Թուրքիայում այլևս ոչ բուլղար կա, ոչ հույն, ոչ հայ, բոլորը օսմանցի են: Հազիվ էր հռակվել նոր սահմանադրությունը և մամուլը աղմկում էր կյանքի, ինչքի ազատության մասին, որ սկսվեց Կիլիկիայի ծրագրված կոտորածը, որին զոհ գնացին ավելի քան 30000 անմեղ հայեր, այդ թվում կանայք, ծերունիներ, երեխաներ:

Իրիտասարդ թուրքերի ղեկավարները ղեռ նոբ էին անցել իշխանության գլուխ, երբ սկսեցին մոլեգին ատելություն սերմանել քրիստոնյաների, մասնավորապես հայերի դեմ: Թուրքական թերթերը, հատկապես բալկանյան պատերազմից հետո, մամուլի ազատությունը օգտագործեցին հակահայ քարոզի համար, զարգացնելով այն տեսությունը, թե Թուրքիայում ամենից վատ ապրում է տիրապետող թուրք տարրը: Նրանք երազում էին օսմանյան կայսրության վաղեմի հզորության վերականգնումը: Պատերազմի նախօրյակին թուրք շուկեն ոգին երիտասարդ թուրքերի պաշտոնաթերթերից մեկի՝ «Թանին»-ի էջերից գրող Ազա Գյունդուզի բերանով հուր էր ժայթքում հետևյալ բառերով. «Կոխոտած տեղերուս ամեն մեկ մասեն արյուն պիտի ժայթքի, երկարած թա-

թիս տակ գարունները աշնան և աշունները գնդանի պիտի վերածվին: Եթե քար քարի վրա ձգեմ, և տիս թողած օջախս թող քանդվի... Գթությունը պիտի կախեմ յաթաղանիս սայրին, իմաստությունը՝ հրազենիս լուցկիին, քաղաքակրթությունն ալ՝ նժույգիս ևտեի պայտին. մահն պիտի սպասեցնեմ գթություն, գնդակեն՝ իմաստություն ու դոփված հետքերն՝ քաղաքակրթություն: Լեռներու փապարներ, անտառներու շուրեր, խոպանությանց փոթոթված դեմքեր պիտի խոսին հավիտենության «Հոստեղեն անցնող թուրքին պատմությունը»<sup>1</sup>:

Գլուխ էր բարձրացնում պանթուրքիզմը, որի նպատակն էր մի դրոշի տակ միավորել Բոսֆորի ափերից մինչև հեռավոր Արևելք ընկած վայրերում ապրող թուրք-թաթարական բոլոր յեղերին: Պանթուրքիզմը հրապարակ էր գալիս պանիսլամիզմի շղարշի տակ, կոչ անելով միավորել երկրագնդի իբր թե 400 միլիոն մուսուլմաններիս՝ ընդդեմ քրիստոնյա աշխարհի:

Անհրաժեշտ էր սպասել նպաստավոր առիթի: Այդպիսի առիթ համարվեց առաջին համաշխարհային պատերազմը, երբ Թուրքիայի թիկունքում կանդանեց կալզերական Գերմանիայի նման մի ռազմաշունչ պետություն: Նա մղեց Թուրքիային դեպի արկածախնդրություն, դեպի պատերազմ, իր ձեռքը վերցրեց թուրքական զորքի ղեկավարությունը, քաջալերեց երիտասարդ թուրքերի հակահայ տրամադրությունը: Համատեղ մշակվեց հայերի բնաջնջման ահավոր ծրագիրը՝ տեղահան անել միլիոնավոր հայերի իրենց դարավոր օջախից, քչել դեպի հարավ՝ գերմանական ծրագրով կառուցվող Բաղդադի երկաթգծի ամայի ափերը: Այս ծրագիրը թուրք շովեն ղեկավարներին շոյում էր կրկնակի տեսակետից: Ոչ միայն «լուծում» էր հայկական հարցը, այլև այդ վայրերը թուրք բնակչությամբ զբաղեցնելով՝ երազել էր տալիս կամուրջ գցել դեպի Կովկաս, միավորել Կովկասի մուսուլմաններին:

Թուրք պատմաբանները փորձում են հայկական կոտորածը բացատրել Կովկասյան ռազմաճակատի վիճակով, մինչդեռ տեղահանության ծրագիրը կազմվել էր այն օրերին, երբ Թուրքիան դեռևս չէր ներգրավվել պատերազմի մեջ: Ռուսական «Գոլոս Մոսկվի» պարբերականը տեղահանության մասին գրել էր պատերազմից շատ առաջ: Թուրքական «Իգդամ» թերթը 1914 թ. հունվարի 17-ին պատասխանելով «Գոլոսին», փորձում էր հերքել նրա գրածը, համարել ֆանտաստիկ, ահդամ տեխնիկական տեսակետից անիրագործելի<sup>2</sup>:

Այդ ծրագիրը մշակողների, մասնավորապես Թալեաթի, Էնվերի, Զեմալի համար պարզ էր, որ տարագրությունը արտաքին ձև էր, այն իր հիմքում հետապնդելու էր ժողովրդի բնաջնջումը: Հայկական կոտորածների ներքին ծալքերին քաջատեղյակ Մորգենթաուն, որ այդ տարիներին Կ. Պոլսի ամերիկյան պեսպանն էր, իր հիշողություններում գրում է. «Երբ Թալեաթ, իբր ներքին գործերու նախարար, այդ տեղահանություններուն հրամանը կուտար, լոկ մահվան վճիռը կարտասանելու ամբողջ ցեղի մը. շատ լավ գիտեր ասիկա և ինձի հետ ունեցած իր խոսակցություններուն մեջ մասնավոր ջանք չէր ընել իրողությունը քողարկելու»<sup>3</sup>:

1 Թեոդիկ, Ամենուն տարեցույցը, 1913, էջ 111:

2 «Հուշարձան ապրիլ տասներմեկի», Կ. Պոլիս, 1919, էջ 96:

3 «Մը. Մորկրենթաունի հիշատակները», Կ. Պոլիս, 1919, էջ 256:

Ջանգովածային կոտորածներին պաշտոնական զգեստավորում տալու համար մնում էր դիմել հետամնաց ու տղետ բնակչության կրոնական մոլե-  
ռանդոթյանը: Այս պայմաններում, 1914 թ. նոյեմբեր ամսին հայտարարվեց  
հայտնի քիմիկոս՝ սրբազան պատերազմը բնագիտական քրիստոնյա աշխարհի Երի-  
տասարդ թուրքերի թելադրանքով Շելխ-ուլ իսլամի կողմից հրատարակված  
հայտարարության մեջ կոչ էր արվում մուսուլմաններին՝ կատարել Ղուրանի  
պատգամը և միանալ քրիստոնյա պետությունների դեմ հայտարարված սրբ-  
բազան պատերազմին, խնայելով միայն զերմանացիներին: Երիտասարդ  
թուրքերի թերթերը, տպագրելով այս հայտարարությունը, սկսեցին հակա-  
քրիստոնեական մի շարժում, որի նպատակն էր զրդուել թուրք հետամնաց  
զանգվածներին բնագիտական հայերի «Բզդամ» թերթը գրում էր. «Գործելու ժամա-  
նակը հասած է: Մենք պետք է մեր բովանդակ ուժով, մեր ամբողջ հողիով,  
մեր ակռաներով և եղունգներովը, մեր մարմինն և միտքին ամբողջ ուժե-  
րովը կռվենք»<sup>4</sup>:

Նույն օրերին երևում է զաղտնի մի տետրակ և լայնորեն տարածվում  
թուրք բնակչության մեջ, ընթերցվում հիմնականում հետամնաց ամբոխի  
առաջ: «Անհավատները սպանելը սրբազան պատականություն մը դարձած  
է, — ասվում էր այդ գրքույկում, — հոգ չէ թե զաղտնապես կատարեք կամ  
բացահայտորեն, ինչպես Ղուրանը հրամանագրած է. «Բռնեցեք զանոնք և  
սպանեցեք, երբ որ գտնեք: Գիտցեք որ մենք զանոնք ձեր ձեռքը հանձնած  
ենք և ձեզի գերազույն իշխանություն տված՝ անոնց վրա...»: Առաջարկվում  
էր յուրաքանչյուր մուսուլմանի՝ զեթ 3—4 անհավատ սպանել, դրա համար  
խոստանալով մեծ վարձատրություն հանդերձյալ կյանքում:

Կոտորածի համար հողը՝ պատրաստ էր. բայց ժողովրդին բնաջնջելուց  
ստաջ անհրաժեշտ էր շեղորացնել նրան ֆիզիկապես ու մտավորապես: Պետք  
էր գինաթափ անել զենքի բնորոշական բոլոր տղամարդկանց: Օսմանյան սահ-  
մանադրության տարիներին մեծ քաղաքներում, մասնավորապես Կ. Պոլսում  
զենքի վաճառքը ազատ լինելով՝ ատրճանակներ էին ձեռք բերել հազարավոր  
հայ երիտասարդներ: Օսմանյան պետական զինվորական զորոցում (Հարպիս)  
սովորում էին բազմաթիվ հայ ուսանողներ: Պատերազմի առաջին ամիսնե-  
րին հայ զինվորները ծառայում էին թուրքական բանակում՝ հավասար իրա-  
վունքներով: Բայց հետագայում, ռազմական միևնույն էնվերի զաղտնի հրա-  
հանգով, գինաթափվեցին, ուղարկվեցին ճանապարհաշինարարության (էմե-  
լիե թարուրի): Զենքի բնորոշական ամբողջ հայ երիտասարդությունը փաստո-  
րեն աշխատում էր ճանապարհաշինարարության վրա: Գաղթի առաջին օրե-  
րից մաս-մաս սկսեցին կոտորել նրանց:

Մնում էր մտավորականության հարցը: Պոլսում, Իզմիրում, Տրապիզո-  
նում, Վանում, Մուշում, Կարիսում, Երզնկայում, Սևրաստիայում, Խարբեր-  
դում և այլ քաղաքներում ապրում էին մի քանի հազար մտավորականներ  
(զրոյներ, արվեստագետներ, մանկավարժներ և այլն): Սրանք հայ հասարա-  
կական մտքի վրա խոշոր ազդեցություն ունեին: Անհնար էր հայերի բնաջնջ-  
ման ծրագիրը լրիվ կենսագործել՝ առանց նախօրոք հաշիվ մարբելու այնպիսի

<sup>4</sup> Նույն տեղում, էջ 136:

<sup>5</sup> Նույն տեղում, էջ 136—137:

գրողների, գործիչների հետ, որոնք հնարավորություն ունեին հուզելու համաշխարհային հասարակական կարծիքը:

Իթթիհատի ճկուն գործելակերպի բնորոշ արտահայտություններից մեկն է հայ մտավորականության ջախջախման ծրագիրը, որ մշակվեց Թալեաթ-էն-վեր-Ջեմալ եռյակի ճիվաղային գանգում, մի քանի դավաճանների մասնակցությամբ, որոնք գիշերներ լուսացրին՝ կաղմելու համար Կ. Պոլսում ապրող հայ մտավորականների լիակատար ցուցակը:

Որքան է մտավորական գոհերի թիվը՝ դժվար է ասել: Թեոդիկը 1919 թ. կոտորածից անմիջապես հետո կաղմեց մի ժողովածու, որտեղ այդ թիվը հասնում է հազարի<sup>6</sup>: Բայց դա նախնական էր: Տարիներ էին անհրաժեշտ, որպեսզի աստիճանաբար ճշտվեին փաստերը: Հետագայում գրվեցին հարյուրավոր գրքեր, հուշագրություններ, մի քանի տասնյակ հետազոտություն՝ առանձին գավառների՝ կոտորածի մասին:

Երբ հանգամանորեն ուսումնասիրում ենք այդ ամբողջ գրականությունը, մեր աչքի առաջ պարզվում է, թե թուրք ազգայնամուլները ինչպիսի հարված են հասցրել հայ մտքին: Թեոդիկի կազմած հազար անունների ցանկը կարող է հեշտությամբ կրկնապատկվել: Անշուշտ, նոր անունների մեջ չեն լինի վարուժաններ ու սիամանթոներ, բայց կան հարյուրավոր դեմքեր, որոնք մասնակցություն են ունեցել հայ մշակույթի զարգացմանը, երկար տասնամյակներ աշխատել են որպես մանկավարժներ, հասցրել սերունդներ, կան երաժիշտներ, որոնք այդ խավար դարաշրջանում դաշնակահարներ, ջութակահարներ են պատրաստել, խմբագիրներ, որոնք գավառական հետամնաց քաղաքներում հրատարակել են թերթեր, բանահավաքներ, որոնք գյուղեգյուղ թափառելով՝ հավաքել են հայ ժողովրդի անգիր բանահյուսությունը, հրատարակել Կ. Պոլսի ու գավառի մամուլում, ճարտարապետներ, նկարիչներ, որոնք զոհ գնացին իրենց նախագծերի ու կտավների վրա աշխատելիս:

Այս բոլորով հանդերձ արևմտահայ մտքի կենտրոնը առաջին հերթին Պոլիսն էր: Հայտնի է, որ 1895—1896 թթ. կոտորածներից հետո ականավոր հայ մտավորականները բոլորն էլ անցել էին արտասահման՝ Փարիզ, Լոնդոն, Վենետիկ և այլ քաղաքներ, մասամբ էլ Եգիպտոս: Դրսում էին Սիամանթոն, Վարուժանը, Ռ. Զարդարյանը, Ռ. Սևակը, Ա. Արփիարյանը, Տ. Կամսարականը, Ե. Օտյանը, Լ. Բաշալյանը, Ա. Զոպանյանը, Զ. Եսայանը, Վ. Թեքեյանը, Ս. Բյուրատը, Երուխանը և հարյուրավոր այլ գրողներ, արվեստագետներ: Սահմանադրության խաբեպատիր շեփորները հետ բերեցին բոլորին: Ազատության պատրանքը նույնիսկ ամենահեռատես մարդկանց աչքին գցել էր մի տեսակ քող. նրանք չէին տեսնում սահմանադրախաղի ներքին կողմերը: Կր. Զոհրապի նման լրջախոհ մի գրող Փարիզից արագորեն եկել էր Պոլիս և Ա. Զոպանյանին խորհուրդ էր տալիս հետևել իր օրինակին: Հետզհետե Պոլիս եկան բոլոր գրողները, աննախընթաց աշխուժություն տալով գրական կյանքին, հատկապես մամուլին, որի էջերից հորդում էին հրապարակախոսությունը, բանասիրությունը, գեղարվեստական արձակն ու շափածոն: Առաջ եկավ այսպես կոչված թերթոնային մի դրականություն, որի բնագավառում միմյանց հետ մրցում էին Ե. Օտյանը, Սմբատ Բյուրատը և ուրիշներ՝ տարբեր թերթերի

6 «Հուշարձան ապրիլ տասնամեկի. կենսագրական բաժին», հավաքեց և խմբագրեց Թեոդիկ:

էջերում տպագրելով ընդարձակ ու ծավալուն վեպեր, մեծ մասամբ ուղղված Համիդյան բռնապետության դեմ:

Այդ տարիներին լույս տեսան Գր. Զոհրապի «Խղճմտանքի ձայներ», «Լուս ցավեր», «Կյանքը ինչպես որ է» ժողովածուները, Ռ. Զարդարյանի «Ցայցալույսը», Ե. Օտյանի, Ս. Բյուրատի, Ա. Շիտանյանի, Մ. Քոչունյանի տասնյակ վեպերը, Երուխանի «Կյանքին մեջեն» նովելները, Վարուժանի «Ցեղին սիրտը», «Հեթանոս երգերը», Ռ. Սևակի «Կարմիր դիրքը», Սիամանթոյի, Ա. Հարությունյանի, Մ. Պարսամյանի, Հ. Ճ. Սիրունու, Ա. Անտոնյանի, Ա. Զոսյանյանի, Ռ. Որբերյանի, Ս. Պարթևյանի, Ա. Թոռղիկի, Սիպիլի, Զ. Եսայանի և բազմաթիվ այլ գրողների երկերը:

1890-ական թթ. սկսված գյուղադրությունը նոր թափ ստացավ Թլկատինցու, Ռ. Զարդարյանի, Գեղամ Կարապետյանի, Ա. Հարությունյանի և ուրիշների սքանչելի պատմվածքներով: Երուխանը ընդարձակում էր արևմտահայ գրականության թեմատիկան, ընթերցողին տանելով դեպի ձկնորսների խորճիթները, դեպի ծովափն ու սալահատակները: Ե. Օտյանը հիմքը դրեց գեղարվեստական արժեք ներկայացնող արկածային վեպի: Նրա «Աբդուլ Համիդ և Շերլոկ Հոլմս», «Սալիհա հանրմ» և այլ վեպերը, հաղիվ թերթոնված մամուլում՝ թարգմանվում էին թուրքերեն, հունարեն, ֆրանսերեն: Նույն այդ շրջանում Օտյանը հրապարակ հանեց հայ քաղաքական երգիծանքի ամենափայլուն նմուշներից մեկը՝ «Ընկեր Փանջունին»: Թեմատիկ ընդգրկման նկատելի լայնացում ապրեց նաև շափածո գրականությունը: Հայրենասիրական, ազատագրական և սիրային երկերին ղուգրեթաց հրեացին բանաստեղծություններ, որոնց մեջ երգվում էր բանվոր դասակարգի վիճակը, նրա պայքարը կապիտալի դեմ: Նկատի ունենք Դանիել Վարուժանի «Նեմեսիսը», «Դադարը», «Մայիսի մեկը», Ռ. Սևակի «Այս դանակը» և այլն:

Բուլկանյան պատերազմը մասամբ ղդատացրեց մարդկանց, ցրեց մշուշը, թուլացրեց սահմանադրության առաջին տարիների մտավոր ալկոհոլի ազդեցությունը, բայց իսկյանքը դեռ շարունակվում էր. պատրանքը շատ էր ուժեղ: Հայ գրողների ճնշող մեծամասնությունը չկասկածեց իթիհատական դեկավարների վրա, մնաց Պոլսում, հանդիստ քնեց ապրիլի 24-ի անակնկալներով հղի դիշերը, մինչև որ հանկարծ թուրք ոստիկանությունը միաժամանակ խփեց մոտ 250 դուռ, հարյուրավոր մտավորականների կտրելով քաղցր երազներին: Առանց բացառության բախեցին նշանավոր բոլոր գրողների, արվեստագետների դռները, հավաքեցին նրանց, լցրին կենտրոնական բանտը:

Հիտո... հաջորդ առաջիկոտ նրանց դուրս են բերում բանտից, պցում նավակների մեջ, ոստիկանական խիստ հսկողությամբ տեղափոխում երկաթուղային կայարան, լցնում վագոնները, փակում լուսամուտները: Գնացքը շարվում է դեպի Անկարայի բացուտները: Ոմանք լավատես էին, փորձում էին կատակել, բայց ոմանց, առավել ղդայուն մարդկանց դեմքին իջել էր ծանր մի թուխալ: Անմահ Կոմիտասը, որ ձերբակալման առաջին րոպեններից ունեցել էր ջղաձղական ցնցումներ, պնացքի մեջ հոգեկան անհավասարակշռության նշաններ է ցույց տալիս: Ճամփի երկու եղերքներին շարված ծառերը նրան թվում են թաքնված ոստիկաններ: Մահվան այդ կարավանի մեջ էին մեր հիշատակած գրեթե բոլոր գրողները՝ Դանիել Վարուժանը, Սիամանթոն, Ռ. Զարդարյանը, Ռ. Սևակը, Սմբատ Բյուրատը, Մելքոն Կյուրճյանը, Գեղամ Բարսեղյանը, Գեղամ Կարապետյանը, Տ. Զեկյուրյանը, Միքայել Շամտանձ-

յանր, «Սարահ» թերթի խմբագիր Տիրան Քելեկյանը, «Բյուզանդիոն» թերթի խմբագիր Բյուզանդ Քելչյանը, «Կառափնատ» թերթի խմբագիր Արամ Անտոնյանը, դերասան Ենովք Շահենը, հրգիծաբաններ Երվանդ Թուլայանը, Գրիգոր Թորոսյանը, բազմաթիվ ուսուցիչներ, մշակութային, հոգևորական գործիչներ:

Անկարայից ոչ հեռու՝ Զեյթան Քեոյի մոտակայքում գնացքը կանգ է առնում: Մոտ ութսուն հոգու իջեցնում են և ուղարկում Այաշ կոչվող վայրը: Դրանց մեջ էին Ռ. Զարդարյանը, Նազարեթ Տաղավարյանը, Սիամանթոն, Ենովք Շահենը, Սմբատ Բյուրատը, Մելքոն Կյուրճյանը: Մյուսներին նորից լցնում են վագոնները և ուղարկում Զանկերի: Սրանց մեջ էին Կոմիտասը, Դանիել Վարուժանը, Ռուբեն Սևակը, Տիրան Քելեկյանը: Թե՛ Այաշում և թե՛ Զանկերիում մի քանի օր կալանավորները պահվում են հսկողության տակ, ապա հնարավորություն է տրվում նրանց՝ դուրս գալ գորանոցից, լինել բնակչության մեջ, հաշել իրենց համար սահմանված ձաշարաններում՝ իթթիհատի օրտեսների հետախույզ աշքերի տակ: Նրանց մեծ մասը չի կորցրել հոգու արիությունը, հավատը ապագայի նկատմամբ, իսկ մի քանի միամիտներ դեռ հույսեր են տածել Թալեաթի նկատմամբ: Այսպես, Սմբատ Բյուրատը 1915 թ. մայիսի 30-ին Այաշից հարազատներին ուղարկած բացիկում գրում էր. «Եթե Թալեաթ բեյ գիտնա թե ընտանյոք ինչ աղետի ու զրկանքի ենթարկված եմ, վերջ պիտի տա ներկա վիճակիս, որ կը նսեմացնե իր վեհանձնությունը: Անշուշտ պիտի գա օր մը, — և այն օրը շատ մոտ է, — որ Արդարությունը պիտի հայտնվի, ինչ օգուտ սակայն, քաշածնիս մեզի պիտի մնա»<sup>7</sup>: Գրեթե նույն ոգով բացիկներ է գրել Սիամանթոն՝ մինչև սպանության օրն էլ հավատացած լինելով, թե թյուրիմացություն է պատահածը: Հունիսի 26-ի նամակում նա իր հարազատներին հայտնում է, թե ինքը անմեղ է և արդարադատ մի պետություն իր նման անմեղները, անշուշտ, ազատ պիտի արձակի: «Եթե մի քիչ էլ դուր աշխատեք ու հետաքրքրվեք՝ շուտով ձեզ գրկելու և մայրիկիս ձեռքերն տնձամբ համբուրելու բախտին պիտի արժանանամ»<sup>8</sup>, — վերջացնում էր բաՆաստեղծը:

Աքսորականներն ավելի լավատես են դառնում, երբ նրանցից մի քանիսը, հատկապես հարուստ վաճառականները, աղատվում են: Առհասարակ հույսը փայփայել է մահվան այդքան մոտ կանգնած մարդկանց: Անգամ Կոմիտասը զրաղեցրել է իր ընկերների<sup>9</sup> հուզիչ երգերով, այդ թվում հռչակավոր «Տեր ողորմյայով», որն այս ամայի վայրերում հնչում էր յուրահատուկ խորհրդավորությամբ: Պոլիս վերադառնալուց հետո, համեմատաբար զգաստ մի պահին պատմել է, թե Վարուժանը, ձեռք բերելով թղթի կտորներ, բանաստեղծություններ էր գրում: Գրել են շատերը՝ իրենց ձեռքն անցած թղթի կտորների վրա, Այաշի ու Զանկերիի պատերին:

Ի՞նչ եղավ այս հայ մտավորականության ճակատագիրը: Այդ մասին գրվել է ավելի շատ, քան հայոց պատմության որևէ շրջանի մասին, գրվել են հավաստի աղբյուրների տվյալներով: Գրել, պատմել են այն մարդիկ, որոնք ողել են կարավանի մեջ, ազատվել են տարրեր պատճառներով: Փաստեր են հավաքվել նաև կամա-ակամա ուղևորին մասնակցած թուրքերից: Մեր նպա-

7 «Հուշարձան ապրիլ տասներմեկի», էջ 21:

8 Երականության և արվեստի թանգարան, Սիամանթոյի ֆոնդ:

9 Այաշի բանտի պատերին գրվածները տե՛ս «Հայկաշեն տարեգիրք», 1922, էջ 23—24:

տակը չէ հանրահայտ այդ փաստերը հորից կրկնել: Միաժամանակ չենք կարող զեթ համառոտ կանդ շառնել այն իրողությունն, որ մտավորականության ջարդը նույնպես, ինչպես ամբողջ հայ ժողովրդի կոտորածը, ո՛չ թե արդյունք էր պատերազմական իրադրության, թեյադրանք՝ պաշտպանական նկատառումների, ինչպես փորձում են ցույց տալ թուրք պատմաբանները, այլ իթթիհատի ծրարի մի մասն էր: Իրականում Թալեաթը հայ մտավորականության ջարդով զբաղվել է նույնքան, որքան ռազմաճակատի վիճակով: Նա շարունակ հեռագրաչին կապ է պահպանել ռուսականատների հետ, անձամբ որոշել սպանությունների հերթականությունը:

Արստրված մտավորականների մայր ցուցակը գտնվում էր Թալեաթի սեղանի զգրոցի մեջ: Նա էր հրահանգում խմբակային սպանությունները: Այս պայմաններում, խումբ առ խումբ բնկերցվում են նրանց անունները, Չանկերիի ու Այաշի արգելանոցներից դուրս բերելով նրանց՝ կառերով տանում են բաց տարածություններ ու սպանում: Յուրաքանչյուր ղեկավարում արսորականներին հայտնվում էր, թե նրանց տունում են Դիարբեքի (Տիգրանակերտ) ռազմական ատյանում դատելու... Այսպես, Ռ. Զարդարյանին, բժ. Ն. Տաղավարյանին, է. Ակնունուն և երեք ուրիշ մտավորականների Այաշից կառով դուրս են բերում նույն հավաստիացմամբ և ճամփին, Ուրֆայի մոտերքը, սպանում տեղի իթթիհատական կուսակալ Ռեշիդ բեյի կողմից ուղարկված ավագանների միջոցով<sup>10</sup>:

Նույն ձևով, Անկարայի մոտերքը սպանվում են Սիամանթուն, Սմբատ Բյուրատը և ուրիշներ: Թե նախօրոք մշակված ծրարերը ինչպիսի հետևողականությամբ էր կենսագործվում և Թալեաթն էլ որքան մասնակցություն ուներ մտավորականների ջարդին, երևում է Չանկերիի արսորականների այն խմբի սպանությունից, որոնց մեջ էին Դանիել Վարուժանը և Ռուբեն Սևակը: Սրանց խոշտանդմանը նախորդում է Պոլսից տրված հեռագրերի ստացումը, որի իման վրա տեղում իթթիհատական ակումբի անդամները զաղտնի նիստեր են գումարում: Նախապատրաստական այս աշխատանքից հետո որոշում են Վարուժանին, Սևակին և երեք այլ տարագիրների արսորել... Երբ մնացող մտավորականներից մեկը աչքելում է Չանկերիի փոխ-կառավարչին և խնդրում հետաձգել նրանց մեկնումը, վերջինս պատասխանում է, «Նա չեմ կրնար չզործադրել Պոլսեն եկած հրաման մը»<sup>11</sup>: Նրանց նստեցնում են կառքը: «Չափազանց հուզված էինք ամենքս ալ, — գրում է Գր. Պալաքյանը, — արյուն կրվազեր մեր սրտերեն և՛ հակառակ մեր ցանքերուն, անկարող էինք զսպելու մեր արցունքները... Եվ երբ տարաբախտ Վարուժան և Սևակ՝ դառնալով կրսեին մեզի թե մեր որբերուն տեր եղեք... Եվ երբ Վարուժան մասնավորի կրսեր թե. «Նոր զավակ մը ունեցած եմ, թող անունը Վարուժան դնեն...», ալ մեր ամենքին հուզումը շափ ու սահման չունեք և մեր միտքերը չէին զործեր, որ միթիթարության երկու խոսք բսեինք»<sup>12</sup>:

Չանկերիի իթթիհատի ակումբը ռճրագործ Հալուին էր արժանացրել Վարուժանին, Սևակին սպանելով՝ ջեննեթի բարիքները վայելելու պատիվը: Հայուն իր ավագակախմբով կարում է ճանապարհը, իջեցնում կառքից տարագիր-

10 Գր. Պալաքյան, Հայ Գողգոթան, Ա հատոր, էջ 135—136:

11 Նույն տեղում, էջ 145:

12 Նույն տեղում, էջ 146—147:

ներին, ապա նրանց առաջնորդում մերձակա ձորը. մի առավի եզերքը և իր խմբով անցնում գործի... Ականատես կառապանի պատմածից երևում է, որ վարուժանը փորձել է դիմել ինքնապաշտպանության, որի համար ենթարկվել է ավելի վայրագ խոշտանգումների: Վարուժանին ու Սևակին դեպի մահ առաջնորդող թուրք կառապանը Չանկրրի վերադարձին հուզումով է պատմել այս բոլորը և ասել. «Ասանկ արհեստը գետնին տակը անցնի, ինձի պետք չէ ասանկ շահը... Ես կառքս, ձիերս այսօր-վաղը պիտի ծախեմ և հեռանամ այս քաղաքեն»<sup>13</sup>:

Այսպես, բիրտ, նախամարդու վայրագ ձևով խլվեց հայրենասեր այն գրողների կյանքը, որոնք այնքան մեծ տաղանդով երգել էին կյանքը, սերը, հայրենիքը, աշխատանքը, սոցիալական, իրավական անհավասարությունը:

Գրիգոր Զոհրապը մինչև 1915 թ. մայիսի 20-ը Պոլսում էր: Նա մի քանի անգամ առիթ է ունենում վիճելու Թալեաթի հետ՝ հայ մտավորականության ջարդի և արդեն սկսված մասսայական կոտորածների շուրջ, իսկ մի առիթով ասում է նրան, թե այդ բոլորի համար նա ապագայում հաշիվ է տալու ժողովրդին: Դրանից մի քանի օր հետո ձերբակալվում են օսմանյան երեսփոխանական ժողովի երկու դեպուտատները՝ Զոհրապն ու Վարդգեսը: Նրանց էլ ուղարկում են դեպի Տիգրանակերտ... Զոհրապը, որպես օսմանյան պառլամենտի պատգամավոր, ճանապարհին թուրք պաշտոնյաների կողմից վայելում է որոշ հարգանք, այդ մարդիկ քանիցս հեռագրում են Թալեաթին, միջնորդում, որ խնայի Զոհրապի կյանքը, բայց դաժան բռնապետը համառում է, պահանջում անպայման սպանել:

Ինչպես Սիամանթոն. Բյուրատը և ուրիշ աքսորականներ, Զոհրապն էլ միշտ հույս է ունեցել, թե Թալեաթը կազատի իրեն: Ճանապարհին, երբ երկաթուղային մի հայ աշխատող, իր կյանքը վտանգի ենթարկելով՝ առաջարկել է փախցնել նրանց, Զոհրապը պատասխանել է, թե իրենք օսմանյան պառլամենտի անդամ են և իրենց կյանքի մասին երկյուղ չունին և չեն տարակուսում, որ «անպարտ պիտի արձակվին Տիգրանակերտի պատերազմական ատյասեն...»: Այս ձևով Զոհրապն ու Վարդգեսը հասնում են Հալեպ: Այդ քաղաքի կուսակալն էլ, որ լավ ճանաչում էր բարձրապատիվ աքսորականներին, գիտեր, թե ինչ ճակատագիր է սպասում նրանց, դիմում է Պոլիս՝ Թալեաթին. խնդրում թույլ տալ պահել նրանց որպես ազատ աքսորականներ: Արդյունքը լինում է կուսակալի արագ պաշտոնազրկումը, նորի նշանակումը՝ Վերջինս գործի անցնելու հաջորդ օրը Զոհրապին ու Վարդգեսին ուղարկում է Ուրֆա. որտեղ նրանք հյուրասիրվում են տեղի երեսփոխաններից մեկի՝ Մահմուդ Նեղեմի կողմից: Հենց հյուրասիրության ընթացքում հայտնվում է ոստիկանը, կուսակալի հրամանով առաջարկում իսկույն կառքով մեկնել Դիարբեքիր: Համփին, ըստ նախօրոք եղած կարգադրության, ոճրագործները հարձակվում են անպաշտպան մտավորականների վրա, սպանում նրանց գազանային խոշտանգումով<sup>14</sup>: Այդ մասին հեռագրվում է Թալեաթին, որն շտապում է հայտնել Զոհրապի տիկնոջը, թե ճամփին նրա ամուսինը սրտի կաթվածից մահացել է: Կինը պահանջում է պաշտոնական գրություն: Մարդասպանի գաղտնի հրահանգով ստեղծվում են երկու կեղծ փաստաթղթեր, մեկը՝ իբր թե բժշկական

<sup>13</sup> Նույն տեղում, էջ 150.

<sup>14</sup> Ա. Ալպոյաճյան, Գրիգոր Զոհրապ. իր կյանքը և գործը. Կ. Պոլիս, 1919, էջ 246.

եզրակացություն, մյուսը՝ թաղող քահանայի վկայությունը: Երկրորդ փաստաթուղթը այնքան հապճեպ էր պատրաստվել, որ ստորագրողը մի տեղ դարձել էր վարդապետ, մի տեղ՝ քահանա<sup>15</sup>:

Այս կեղծ փաստաթղթերը անհրաժեշտ էին 1915 թ. աշնանը՝ օտար մի ապահովագրական ընկերության ներկայացնելու համար, իսկ հաջորդ տարի այլևս նման միջոցների դիմելն էլ անլիարժեք դարձավ, և երբ օսմանյան պառլամենտում հարցում է արվում բացակա հայ երեսփոխանների վիճակի մասին, ժողովի նախագահը կարդում է մի պաշտոնագիր, որի մեջ ի միջի այլոց ասված էր. «Անցած նստաշրջանում երեսփոխանական ժողովին շմասնակցած երեսփոխաններից էրդրումի երեսփոխան Վարդգես և Պոլսի երեսփոխան Զոհրապ էֆենտիները Դիարբեքի (Տիգրանակերտի) ռազմական ատյանի առջև դատվելու համար ուղարկվելիս՝ ճամփին Զերբեգ Ահմեդի ու նրա չեթենի կողմից սպանված լինելով՝ մարդասպանները Շամի (Հալկպի) ռազմական ատյանի կողմից մահվան դատապարտվել են»: Ժողովի նախագահը այս պաշտոնագիրը ընթերցելուց հետո ամբարտաժան յառնությամբ հայտարարում է. «Հիմա այս թեզերին պարունակության նայելով՝ Կարնո մեպուս Վարդգես էֆենտի, Պոլսո մեպուս Զոհրապ էֆենտի, Արդրնի մեպուս Ստեփան էֆենտի, Վանա մեպուս Վոսմյան էֆենտի, դարձյալ Վանա մեպուս Փափազյան էֆենտի սպանված են, ողջ չեն»<sup>16</sup>:

Այսպիսով, պաշտոնապես օսմանյան պառլամենտի ամբիոնից հայտարարվում էր, թե դեպուտատ էր. Զոհրապը առանց դատ-դատաստանի սպանվել էր չերբեգ Ահմեդի կողմից: Բայց ո՞վ էր այդ Ահմեդը. մի սովորական ավագա՞ն, որի նմաններին էր վստահում իթթիհատական կուսակցությունը հայերի սպանությունը: Ո՛չ, այս մեկը մի քիչ տարբեր էր: Նա համարվել է «Իթթիհատի կառավարության աչքի լույսը», — ինչպես գրում էր պատերազմից հետո այս դեպքերին անդրադարձող թուրքական «Իզդամ» թերթը: Իթթիհատական կառավարությունը նրան էր վստահել մի շարք շրջանների հայերի մասսայական ջարդի կազմակերպումը: Երբ հետագայում ձերբակալվել է Ահմեդը, զարմանքով հայտարարել է, թե ինքը Վանը և շրջակա վայրերը ամայացրել է հայերից, «Հայրենիքին այսքան ծառայություն» մատուցել, մինչդեռ իրեն պատժում են: «Իզդամ» թերթը պատմում է, թե «իբր բոցավառ իմացականությամբ, բեղմնավոր մտքով, զգայուն հոգով» հայրենիքին ծառայող Զոհրապին ինչպես է սպանվել Ահմեդի կողմից: Երբ թուրք թղթակիցը չերբեգ Ահմեդին հարցրել է, թե ինչպես սպանեց Զոհրապին, վերջինս պատասխանել է. «Հայրենին ելած էին: Ծամփան հանդիպեցանք: Իսկույն իրենց կառքերը պաշարեցի: Հասկցան թե պիտի սատկին: Վարդգես ըսավ որ «չատ աղեկ, Ահմես պեյ, մեզի այս բանը կրենք կոր. սակայն արաբներուն ինչ պիտի ըսեք: Ձենն անոնք ալ գոհ չեն»: «Ատիկա քու գիտնալիք գործդ չէ, բերաթա», ըսի, մավզերի գնդակով մի ուղեղը պայթեցուցի, հետո Զոհրապը ձեռք անցուցի: Ոտքիս տակը առի, խոշոր քարով մի գլուխը ճգմեցի, ճգմեցի, ճգմեցի, մինչև որ սատկեցավ»<sup>17</sup>:

15 Այդ փաստաթղթերի նմանատիպը տե՛ս Ա. Այպուջյան, Նույն տեղում, էջ 247, 248:

16 Նույն տեղում, էջ 249:

17 Նույն տեղում, էջ 252:

Այժմ մի քանի խոսք մյուս գոհերի մասին: Դրանցից են դերասան Ենովք Շահենը. ամբողջովին արվեստին զինվորագրված խանդավառ մի պատանի. որի անվան հետ է կապվում սահմանադրության առաջին օրերին պոլսահայ թատրոնի վերակենդանացման աշխատանքը: Այդ օրերին երկու անուն էր անցնում թերթից թերթ՝ Վահրամ Փափազյան և Ենովք Շահեն: Երկուսն էլ խոստումնալից, մեծ հեռանկարի առաջ կանգնած երիտասարդներ: Փափազյանը Պոլսում չգտնվելով՝ ազատվեց վերահաս կոտորածից, իսկ նրա ընկերը գոհվեց էնկյուրիի մոտակայքում:

Մի այլ անուն՝ Տիրան Քելեկյան: Այս մարդը գուցե հայ մշակույթին այնքան չէր ծառայել, որքան թուրք մամուլին ու գրականությանը՝ թե՛ իր «Սարահ» (Առավոտ) ամենօրյա լրագրով և թե՛ թուրքական բարձրագույն դպրոցներում տված իր դասախոսություններով: Ինչպես Զոհրապը, Տիրան Քելեկյանն էլ աքսորի երկար ճամփին հանդիպել է բարեկամ թուրքերի, որոնք աշակերտել էին նրան Պոլսի իրավաբանական համալսարանում: Երախտապարտ աշակերտներից առավել աշնիվ նկարագրի տնօրենները հեռագրով միջնորդել են Պոլիս՝ ազատելու իրենց սիրելի ուսուցչին. բայց նույն քար լուծությունը, ինչպես Զոհրապի դեպքում: Նրան էլ Ալիս գետի ափերին տանջամահ անելուց հետո հայտնել են, թե կամրջից անցնելիս իրեն զցել է ջուրը հոգեկան անհավասարակշիռ վիճակում<sup>18</sup>:

Մտավորական այս գոհերի մեջ էր դարձնակցի արևմտահայ ամենախնայատիպ գրողներից մեկը՝ Տիգրան Զեռկյուրյանը, որո քիչ է գրել, բայց թե՛ իր առաջավոր գաղափարախոսությամբ և թե՛ ինքնատիպ ոճով աչքի էր ընկել կարճ ժամանակամիջոցում, դարձել արևմտահայ գրականության սիրված դեմքերից մեկը: Նրա «Հերոսը», մանավանդ «Վանքը» մեր գրականության լավագույն նմուշներից կարող են համարվել:

Հայ գրականության ամենախոստումնալից ուժերից էր Արտաշես Հարությունյանը, որի հրապարակ գալը 1890-ական թթ. մի հայտնություն էր հայ գրականության համար: Նրա արձակ և շափածո երկերը, մանավանդ տեսական, գրականագիտական աշխատությունները իր ժամանակին մեծ ընդունելության են արժանացել: Հարությունյանը ձերբակալվեց Պոլսում 1915 թ. օգոստոս ամսին, աքսորվեց Իզմիր, ապա վայրենի խոշտանգումներով սպանվեց Դերբենտի կայարանի մոտակայքում<sup>19</sup>:

Նույն այն օրերին, երբ ձերբակալվում ու բանտարկվում էին պոլսահայ մտավորականները, քաղաքական գործունեության մեղադրանքով բանտարկվում էին հայ մտքի մշակները նաև գավառում: Այսպես՝ Սեբաստիայում, Խարբերդում և մի քանի այլ վայրերում ձերբակալությունները կատարվեցին նույն այդ կիրակիի ցերեկն ու գիշերը, մի բան, որ վկայում է իթիհատի դեկավարների մշակած ծրագրի բնույթի մասին:

Գավառում գոհված մտավորականների մեջ է հայ արձակ գրականության աչքի ընկնող դեմքերից Երուխանը (Երվանդ Սրմաթեշխանյան), ծնված և ուսած Կ. Պոլսում, աշխատավորական խավերի, մասնավորապես պոլսահայ ձկնորսների կյանքը ամենաիրական գույներով ներկայացնող մի գրող: Նա 1913 թ. աշնանը հրավիրվել էր Խարբերդ պաշտոնավարելու տեղի ազգային

18 Գ. ր. Պալարյան, էջ 169—170:

19 Ա. Հարությունյան, Արձակ էջեր և բերթվածներ, Փարիզ, 1937, էջ 21—22:

վարժարանում որպես տեսուչ։ Նույն այն օրերին, որ Պոլսի իր գրչեղբայրները տարագրվում էին Այաշ, նա էլ, ի թիվս այլ մտավորականների ձերբակալվում է, նետվում Մեղրեի կենտրոնական բանտը, ենթարկվում անլուր տանջանքների, ապա տարվելով քաղաքից դուրս՝ սպանվում է<sup>20</sup>։

Խարբերդի դոճերից է հայ ականավոր ղյուղազի թլկատինցին (Հովհ. Հարությունյան), որ հայ գրականության արևմտահայ հատվածում ստեղծեց գրական մի ամբողջ շարժում, մեր արձակը հարստացնելով մի քանի տասնյակ երկերով, որոնք իրենց հյուսիսից ոճով, ժողովրդական բառ ու բանի հարազատ օգտագործմամբ, հոգեբանական խորությամբ և ուսյիզմով՝ կարող էին պատիվ բերել առաջավոր ամեն մի գրականության։ Քաղաքական կուսակցություններից բոլորովին հեռու կանգնած, բայց իր ամբողջ էությամբ ժողովրդին ծառայող այս գրող մանկավարժը, որի սաներից են Ռ. Զարդարյանը, Վ. Թոթովենցը, Համաստեղը, Վահե Հայկը, Բ. Նուրիկյանը և տասնյակ այլ գրողներ, սպանվել է Խարբերդի կենտրոնական բանտում անլուր խոշտանգումների ենթարկվելուց հետո<sup>21</sup>։

Ահա մի քանի համեստ անուն էլ, բոլորն էլ դոճ Խարբերդի հյուսիսից՝ պրոֆ. Կարապետ Սողիկյան. սովորել է Եփրատ կոլեջում, պաշտոնավարել թլկատինցու ազգային դպրոցում, գրել է բանաստեղծություններ, որոնք լույս են տեսել հետմահու՝ նրա աշակերտների ջանքերով։ Հանգիստնում է հայ գաղափարական մամուլի անխնայ մշակներից մեկը, հիմնադիրը Խարբերդի «Եփրատ» պարբերականի։ Կոտորածի օրերին ենթարկվել է աննկարագրելի խոշտանգումների, տեղափոխվել ամերիկյան հիվանդանոց և այնտեղ մեռել<sup>22</sup>։

Պրոֆեսորներ Մկրտիչ Որբերյան, Հովհ. Պուճիզանյան, Տոնապետ Լյուլեճյան։ Երևոյն էլ Եփրատ կոլեջի շրջանավարտներ, որոնք բարձրագույն կրթություն էին ստացել Ամերիկայում և վերադառնալով իրենց ծննդավայրը ունեցել կրթական, մանկավարժական, գրական բեղուն գործունեություն։ Հայ պարբերական մամուլում տպագրել են ուշագրավ հետազոտություններ, անդլերենից կատարված թարգմանություններ։ Բացի սրանցից՝ Խարբերդի շրջանը դոճ է տվել մի քանի տասնյակ ուսուցիչներ, փաստաբաններ, հասարակական-մշակութային գործիչներ, հոգևորականներ և այլն<sup>23</sup>։

Սերաստիայի շրջանում զոհվածների մեջ է մշակութային գործիչ, գրող Միհրան Իսպիրյանը։ Ունեցել է երկար տարիների գրական, մանկավարժական, հրապարակախոսական գործունեություն։ Առանձին գրքերով լույս է բնծայել մի քանի աշխատություն, ինչպես՝ «Խուցեն պատկերներ», «Մրտի էջեր», «Գրական շրջաններ» և այլն։ Դարձյալ Սերաստիայի դոճերից հիշատակության արժանի են հայտնի մշակութային գործիչ, պատմական մի շարք գրքերի հեղինակ, Մետերլինկի «Կապույտ թռչունի» և այլ երկերի թարգմանիչ Սենեքերիմ Գալեոնճյանը, Սերաստիա քաղաքի հայկական տպարանի ստեղծող Կարապետ Պարսամյանը, երկարամյա մանկավարժ, խմբագիր Գառնիկ Թուլլաճյանը, հայտնի մանկավարժ, Սորբոնի համալսարանի շրջանավարտ Արամ Հակոբյանը, Ամերիկյան Կոլումբիա համալսարանի շրջանավարտ, «Կոչնակ» պար-

20 «Հուշարձան ապրիլի տասնամեկի», էջ 56։

21 Վահե Հայկ, Խարբերդ և անոր ոսկեդեն դաշտը, Նյու-Յորք, 1959, էջ 1077։

22 Նույն տեղում, էջ 1144։

23 Մանրամասն տե՛ս Հիշատակարան Եփրատ Գոլեջի գրքում, նաև՝ Վահե Հայկի նշված աշխատությունում։

բերականի խմբագիր Ռուբեն Րազուպյանը, ժնեի համալսարանի շրջանավարտ Համբարձում Պլեճյանը և այլ մանկավարժներ, որոնք բոլորն էլ աշխատում էին Սերաստիայի դպրոցներում՝ Սանասարյան վարժարան, Արամյան վարժարան, Ամերիկյան կոլեջ և այլն<sup>24</sup>։

Մշակութային բնագավառի բազմաթիվ գոհեր տվեց Մարդվանի շրջանի հայությունը։ Դրանցից են ամերիկյան Կարլտոն համալսարանի շրջանավարտ, ականավոր աստղագետ, մասնագիտական արժեքավոր գրքերի հեղինակ Առաքել Սիվասյանը, Մասաչուսեթսի համալսարանի շրջանավարտ, հայտնի բառարանագետ, անգլո-հայերեն բառարանների հեղինակ Հովհ. Հակոբյանը, մասնագիտական կրթությունը Բեռլինի կոնսերվատորիայում ստացած, երաժշտական ուշագրավ երկերի հեղինակ, կոմպոզիտոր Արշակ Տաղլյանը, մշակութային գործիչ, խմբագիր, «Պատմություն հայ լեզվի և բանահյուսության» արժեքավոր գրքի հեղինակ Գաղիկ Օզանյանը և ուրիշներ<sup>25</sup>։

Գավառահայ մտավորականության տաղանդավոր ներկայացուցիչներից էր լեզվաբան, բանասեր, «Օվդոկիայի գավառաբարբառը» արժեքավոր հետազոտության հեղինակ Հովհ. Գազանճյանը, որ սպանվեց Նվդոկիայում, 1915 թ.։

Արևմտահայ իրականության համար ուշագրավ հրեույթ է Գարեգին Կողիկյանը, որը դեռևս նախքան ռուսական առաջին հեղափոխությունը հակվել էր դեպի սոցիալ-դեմոկրատական գաղափարները, Կովկասում և Պոլսում խմբագրել բանվորական թերթեր։ Աքսորի ճամփին թշնամու ծաղր ու ծանակին չարժանանալու համար՝ նա կնոջ հետ նետվում է գետը և խեղդամահ լինում<sup>26</sup>։

Վանի գոհերից հիշատակենք տեղի Նրամյան վարժարանի շրջանավարտ Արտաշես Սուլաքյանին. որը Սահմանադրության տարիներին մշակութային բեղուն գործունեություն է ունեցել իր ծննդավայրում, 1908 թ. Վանում կազմակերպել է առաջին թատրոնը, ստեղծել սիրողների մի թատերախումբ, բեմադրել մի շարք պիեսներ, այդ թվում իր հեղինակություններից՝ «Ընտանիքը»։ Սպանվել է Վանի բանտում, կուսակալ Զեվգեսի հրամանով։ Նույն բանտում է սպանվել մշակութային գործիչ, «Երկիր» թերթի խմբագիր, մի քանի գրքերի հեղինակ Տիգրան Օտյանը (Ասո)։

Մեծ եղեռնին գոհ գնացին հազարից ավելի հոգևորականներ, որոնցից շատերն ունեցել են մշակութային, կրթական, գրական գործունեություն։ Հիշատակենք դրանցից գեթ մի քանիսին՝ Ներսես եպ. Դանիելյան, Վահան վարդ. Հակոբյան, Գեղամ վարդ. Թեվեքելյան, Վարդան քհ. Ասլանյան, Վիեննայի Մխիթարյան միաբանության անգամ, բանասեր Մատթեոս Հաճյան, Վենետիկի Մխիթարյան միաբանության անգամ Ստեփան Սարյան, հայտնի մանկավարժ Գեվորգ Թուրյան և ուրիշներ։ Վերջինս ստացել է բարձրագույն կրթություն Ամերիկայի Դորչեստր քաղաքի համալսարանում, հետևելով փիլիսոփայության։ Պրոֆեսորի կոչումով կարճ ժամանակ պաշտոնավարել է նույն համալսարանում, վերադառնալով Թուրքիա, որպես փիլիսոփայության դասատու աշխատել է Արմաշի դպրեվանքում։ Զոհվել է 1915 թ. չարդերի ընթացքում։

24 «Հուշարձան ապրիլ տասներմեկի»։

25 Նույն տեղում, էջ 53—79։

26 Նույն տեղում։

Մեծ եղեռնից հետո մեր լեզվում առավել կենսունակ դարձավ վերապրող քառու Այո, վերապրեցին տարագրության ու կոտորածի ալիքների մեջ ընկած մի քանի հարյուր հազար հայեր, ցրվեցին աշխարհով մեկ, արարական տոթակեզ անապատներից մինչև Գանգեսի ափերը։ Քանի որ մեր նպատակն է խոսել հայ մտավորականության ճակատագրի մասին, կանգ առնենք այն վերապրող հայ գրողների, արվեստագետների վրա, որոնք «հրաշքով» փրկվեցին թուրքական յաթաղանից։ Իրանց թիվը, ղոհվածների հետ համեմատած՝ աննշան է։ Պոլսում 1915 թ. ապրիլի ամսին ձերբակալված մոտ 250 մտավորականներից վերադարձան մի քանիսը միայն՝ Կոմիտասը, Ծ. Օտյանը, հայտնի տալիսերի հեղինակ Թեոդիկը, հրապարակախոսներ Բյուզանդ Քեչյանը, Լևոն Մոզյանը, Միք. Շամտանճյանը և մի քանի ուրիշներ։

Սրանք ազատվեցին տարբեր պատճառներով։ Կոմիտասը ազատվեց երաժշտասեր մի բարձրաստիճան թուրք անձնավորության միջնորդությամբ։ Բայց շունեցավ ավելի լավ ճակատագիր, քան իր տարաբախտ ընկերները։ Նա Պոլիս վերադարձավ խելագար վիճակում, փոխադրվեց հիվանդանոցից-հիվանդանոց, ունեցավ հոգեկան զարթոնմի պահեր և աչքերը առհավետ փակեց քսան տարվա ծանր տառապանքից հետո, Փարիզում։ Սիակ բախտավորությունը եղավ այն, որ ունեցավ շիրիմ. գեթ մահից հետո տեղափոխվեց իր ժողովրդի ծոցը, թաղվեց սիրելի Հրազդանի ափին, հայ մտավորականների պանթեոնում։ Ու ամեն տարի թարմ ծաղիկներ են դրվում նրա շիրիմին, այդ հուշարձանի տակ պատկերացնելով նաև եղեռնի զոհ անշիրիմ այն գրողներին, որոնց ոսկորները Զանկրիի տափաստաններում համբուրվեցին անապատային տաք խորշակի հետ։

Երջանիկ չեղան նաև այն սակավաթիվ մտավորականները, որոնց դուր չբախեցին 1915 թ. ապրիլի 11-ի գիշերը և հետագա օրերին։ Նրանք էլ տառապեցին վերապրելով իրենց ժողովրդի ահավոր ողբերգությունը, ընկան մեղամաղձության մեջ, կորցրին հոգու հավասարակշռությունը, տանջվեցին այն գիտակցությունից, թե ինչո՞ւ, ինչո՞ւ իրենց ընկերների հետ չէին. չէ՞ որ նրանք զոհվել էին իրենց ժողովրդին ծառայելու «անքավելի հանցանքի» համար։ Այդպես տառապեց Հր. Ասատուրը, բազմակողմանի զարգացման տեր տաղանդավոր մի բանասեր, թատերագետ։ Նա նույնպես ապրեց մոտ երկու տասնամյակ, բայց, Վ. Փափազյանի պատկերավոր արտահայտությամբ՝ ապրեց «ենթարկելով իրեն կամավոր կալանքի ամենափոքրիկ սենյակներից մեկում իր տանը, որտեղից դուրս չելավ՝ մինչև սևագգեստ հուղարկավորներ եկան ու նրան տարան, մերժելով ողջունել արևի լույսը, կրկնելով անընդհատ միշտ նույն հանգերգը. «ինչո՞ւ բոլորն ալ տարին, ինձի թողուցին...»<sup>27</sup>։ Այդպես ապրեց Հր. Ասատուրի կողակիցը՝ բանաստեղծուհի Սիպիլը։ Այդպես ապրեց Զիֆթե Սարաֆը, իրեն մկրտելով մի նոր անունով՝ Հովհ. Ասպետ։ «Միամիտի մը արկածները» սքանչելի վեպը գրողը մղվեց դեպի հուսահատություն ու հոգեկոտորություն, դարձավ լուսկյաց, հիվանդոտ մի հոգի, մի բարոյախոս, կյանքի վերջին օրերն անցկացնելով հայ որբերի շրջանում։ Միք. Շամտանճյանը եղել էր Զանկրիում, դեպի կառափնաա տարվող ամեն մի խմբի հետ հոգով սպանվել ու բզկտվել, բայց մարմնակա. ջարդի իր հերթը չհասավ։ Սրբ եկավ Պոլիս, հոգով շատ ավելի մոտ էր անդրաշխարհին, քան կյանքին,

27 Վ ա հ ր ա մ Փ ա փ ա զ յ ա ն. Սրսիս պարտքը. էջ 168։

բանակցում էր մահվան հետ, ստեղծելով մշտնջապատ, ցուրտ ու անկենդան մի գրականություն՝ իր խմբագրած «Ոստան» պարբերականում և նրանից դուրս, մինչև որ 1926 թ. հանգստացավ նրա բորբոքված ուղեղը:

Իրենց հոգեկան արիությունը կարողացան պահել քչերը: Դրանցից էին հրապարակախոս խմբագիր Արամ Անտոնյանը և մեծ երգիծաբան Երվանդ Օտյանը: Երկուսն էլ հասել էին մինչև Տեր-Հորի տոթակեզ վայրերը. երկուսն էլ աղատվել արտաքուստ զավեշտական, խորքում ողբերգական հանգամանքներում: Մտավորականներից շատերը գրի են առել աքսորի իրենց կյանքը և հրատարակել զինադադարից հետո: Ա. Անտոնյանը հրատարակեց «Այն սև օրերուն» հուզիչ գիրքը, Ե. Օտյանը՝ «Անիծյալ տարիները», Միք. Շամտանճյանը՝ «Հայ մտքին հարկը եղեռնին», սեփաստացի բանասեր Կ. Գաբրիկյանը՝ «Եղեռնապատումը», Գր. Պալաքյանը՝ «Հայ Գողգոթան» երկհատոր ծավալուն հուշագրությունը, որը ամենից ամբողջական ու հավաստի աղբյուրն է մեռած հայ մտավորականության սպանդի:

Ստեղծվեց ստվարածավալ մի գրականություն՝ բազմաթիվ լեզուներով: Բայց ստեղծվեցին այդ մարտիրոսագրության պատմության առանձին զրվագները: Հայ պատմագրության խնդիրներից մեկն է՝ մեծ զոհույթյամբ ու երկյուղածությամբ հավաքել գրավոր այդ վավերագրերը, նրանցով կառուցել գիտական, ամբողջական մի հետազոտություն, որը և կլինի յուրահատուկ միջպանթեոն հայ մտքի բոլոր անթաղ զոհերի:

#### ЖЕРТВЫ ЗАПАДНОАРМЯНСКОЙ ИНТЕЛЛИГЕНЦИИ

Г. Х. СТЕПАНЯН

(Р е з ю м е)

Организованная правительством младотурков массовая резня армян унесла также и значительное число представителей западноармянской интеллигенции. По разработанной программе в апреле 1915 г. в Константинополе и других городах Турции младотурки арестовали более чем 1000 представителей армянской интеллигенции: писателей, искусствоведов, редакторов-публицистов, педагогов, деятелей культуры, в числе которых были такие выдающиеся деятели, как Григор Зограб, Даниел Варужан, Сиаманто, Рубен Севак, Мелкон Кюрджян, Тлкатинци, Ерухан, актер Енок Шаен и другие. Они были сосланы в глубь Турции, где в июне и июле 1915 г. были зверски растерзаны.

Приводимые в статье факты свидетельствуют о том, что резня безоружных армян и казни интеллигенции были не результатом военных событий, а претворением в жизнь разработанной младотурками еще до начала первой мировой войны программы уничтожения армян, проживавших в Западной Армении и в разных районах Турции.